

N'AMURA SCUNZULATU

Quandu inchiivi a vozza a la fhuntana
Cu l'ucchi ti mandai a mbasciata
Mi guardasti e cuntenta rispundisti
Ca mi volivi puru tu pe nnamuratu.

Quandu n'incuntramma nta vinedha
N'abbrazzamma e ni vasamma,
dicisti ca stu nudu no si scioghiia mai
no a chistu e mancu a l'atru mundu.

Dimmi chi succediu de chidha sira a mo
Mu vai diciandu ca no mi vua.
Ncunu ti misa u lazzu a lu peda
E ti dissa ca t'ama chiiù e mia?

T'aspiattu quandu vena a vindigna
Quandu i belli donni iiati fhora
Ricordati ca cu mia hai nu pignu
E cu ti mpediscia a mu si presenta.

Si ava coraggiu a mu mi dicia mpaccia
Chi ava de cchiiù del'amura mio
Si tuartu vo mu mi fhà a lu cora
U sua lu tiru e mu fhazzu suffrittu.

No ti ngannai e no t'ingannu,
pensava c' avia dirittu mu mi guadu
a vita chi mi restava e campara,
ma a stidha mi votau i spadhi.

No ti puazzu amara cuamu ti promisi
Ca aiiu tri frati chi no mmi libarannu
Aiiu mu fazzu de suaru e de mamma
Ca chidha chi ni fhicia no ncè cchiù.

O cotraredha mia sbenturata,
domana partu, cca e cchiiù no stau
ca a terra mi manca sutta i piadi
e l'ucchi no n'hannu chi guardara.

A mia cchiiù non mi penzara
Cerca mu truavi ncunu scanzatura
E maritati si t'hai de maritara
Ca pe cchissu ti criiau a natura.

Si ti spusi e mi lu fhai sapira
Pe donu nu nizzu d'uaru ti madu,
ma si no ti spusi e riasti schietta
ricordati ca pe cennt'anni t'aspiattu.